

मार्निंग डोगरी न्यूज़ बुलेटिन, समे. 09-20 Hrs

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में विजय बजाज।

Headlines

- 1 प्रधानमंत्री नरेन्द्र मोदी होर भारत मोबिलिटी ग्लोबल एक्पो 2025 दा अज्ज नमीं दिल्ली च उद्घाटन करगन।
- 2 मुखमन्त्री उमर अब्दुल्ला होरें आखेआ जे जम्मू कश्मीर दी सरकार महिला सशक्तिकरण लेई वचनें बज्झी दी ऐ।
- 3 सेहत मंत्री सकीना इत्तू होरें जम्मू च सेहत दिक्खभाल आली सहूलतें दा जायजा लैता।
- 4 जनजातीय मामले दे मंत्री जावेद अहमद राणा होरें जम्मू कश्मीर च जनजातीय आबादी आले सब्बने ग्राएं च धरती आभा योजना दे विस्तार दी जरूरतें पर जोर दित्ता ऐ।
- 5 रियासी दे बसनीक मशहूर पैरा तीरंदाज राकेश कुमार होरेंगी अज्ज थोग अर्जुन पुरस्कार।

<><><><><><>

PM-Mobility

प्रधानमंत्री नरेन्द्र मोदी होर अज्ज नमीं दिल्ली च भारत मोबिलिटी ग्लोबल एक्पो-2025 दा उद्घाटन करगन। भारत मंडपम च आयोजित एह देश दा सब्बनेथमां बड्डा मोबिलिटी एक्पो ऐ ते एहदा विषय ऐ “हृदें कोला परे भविक्ख दी आटोमोटिव मूल्य श्रृंखला दा सांझे तौरा उप्पर निर्माण”। 6 रोजा इस एक्पो च 9 शा मते शो होंगन। 20 थमां मते सम्मेलन ते मंडपम आयोजित कीते जांगन। एहदे कन्नै गै एक्पो च मोबिलिटी क्षेत्र च नीतिएं ते पैहलकदमिएं गी प्रदर्शत करने लेई राज्यें दे सत्र बी होंगन, तां जे उद्योग ते क्षेत्रीय सतरें बश्कार सैह्योग होर मजबूत बनाया जाई सकै। इस एक्पो च कुल संसारी महत्व उप्पर चेचा ध्यान दित्ता जाग ते एहदे च पूरी दुनिया थमां प्रदर्शक हिस्सा लेंगन।

<><><><><><>

CM Lakhpati Didi

मुखमन्त्री उमर अब्दुल्ला होरें “लखपति दीदी” कार्यक्रम दी सराहना करदे होई आखेआ ऐ जे एहदे कन्नै जम्मू कश्मीर च ग्रामीण विकास ते महिला सशक्तिकरण लेई बड्डा बदलाव औग। जम्मू च लखपति दीदी सम्मेलन गी संबोधत करदे होई मुखमन्त्री होरें आखेआ जे जम्मू कश्मीर दे विकास लेई महिलाएं दी ओहदे च सक्रिय भागीदारी मती जरूरी ऐ ते सरकार एहदे लेई वचनें च बज्झी दी ऐ। मुखमन्त्री होरें जारे दिंदे होई आखेआ ऐ जे महिलाएं दी आर्थिक आलादी समाज गी मजबूती ब्रदान करदी ऐ। उनें आखेआ

इस मौके पर स्वयं सहायता समूहें गी उन्नत कौशल प्रशिक्षण ते कर्जा देने दी बी घोषणा कीती गई।

<><><><><><>

Sakina Itto Healthcare

सेहत मंत्री सकीना इत्तू होरें गोरमेंट मैडिकल कालेज जम्मू ते सुपर स्पैशिलिटी अस्पताल जम्मू दा वयापक दौरा लाइयै उत्थें दी मैडिकल सहूलतां ते इसले जारी परियोजनाएं दा जायजा लैता। सकीना इत्तू होरें ढांचागत निर्माण आले कम्में, मारजें लेई सहूलतां, साफ सफाई ते होरने सुविधाएं दा बी जायजा लैता। मंत्री होरें अपने दोरे दरान जोर देइयै आखेआ जे मरीजें लेई जरूरी दुआइयां, जांच आले उपकरण ते लोड़चदे अमले दी लोड़ ऐ। सेहत मंत्री होरें मरीजें लेई सहूलतें दा सुधार करने पर लोह पांदे होई गलाया



Announcement (Must Carry)

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां न। इच्छुक आवेदक, जेह्दी उम्र 24 थवां 50एं ब'रें दे बश्कार ऐ, ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च द'ऊं ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल बी करना औना चाईदा। आवेदक जिला सदर दफ्तर दी 10 किलोमीटर दी हद्द दे अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी, मेदवार गी क्षेत्रीय समाचार एकांश आकाशवाणी पंजतीर्थी जम्मू, पिन कोड 180001 पर 15 फरवरी 2025 थवां पैह्ले-पैह्ले आइयै दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।



Rana Dharti Aaba

जनजातीय मामले दे मंत्री जावेद अहमद राणा होरें जम्मू आले सिविल सचिवालय च वरिष्ठ ऐहलकारें कन्नै लाई गेदी बैठक दरान जम्मू कश्मीर च “घरती आभा” योजना दी अमलावरी दा जायजा लैता। उनें आखेआ जे जनजातीय समुदाय दा पूरा पराता विकास मजूदा सरकार दी प्राथमिकता ऐ। मंत्री होरें इब्बी आखेआ जे सब्बने जनजातीय इलाकें गी इस योजना दे दायरे हेठ आहन्नेआ जाना लोड़चदा ऐ। उनें आखेआ जे नेह सब्बने इलाकें च समाजी ढांचागत विकास, सेहत दिक्खभाल, शिक्षा ते रोजगार दे खत्तर च मतूद कमिएं-खामिएं गी दूर करियै जनजातीय समुदायें दा लगातार विकास जकीनी बनाया लाग। बैठक दरान मंत्री होरें सब्बने पर जोर पाया जे ओह किट्ठे रलियै सांझे तौर पर जतन करन तां जे इस योजना दे लाह योग्य लोक तगर पुज्जी सकन।



Arjun Awards

जम्मू कश्मीर लेई बड़े मानै आली उपलब्धि दे तैहत रियासी थमां पेश तीरंदाज राकेश कुमार होर अज्ज नमीं दिल्ली च राष्ट्रपति द्रौपदी मुर्मू हुंदे थमां बड़ी मती प्रतिरण आला अर्जुन पुरस्कार हासल करगन। उनेंगी एह सम्मान अंतर्राष्ट्री सतह दे मकाबले व उंदी शानदार उपलब्धिएं लेई दित्ता जा'रदा ऐ। राकेश कुमार होरें 2024 आले पैरिस पैरा ओलंपिक्स च मिक्ड टीम मकाबले च शीतल देवी हुंदे कन्नै मिलियै खेड्डेआ हा ते ऐतिहासक कैह दा तगमा अपने नां कीता हा। राकेश कुमार हुंदे थमां पैह्ले 2021 च हरविंदर सिंह ते 2024 च शीतल देवी होरें गी अर्जुन अवार्ड कन्नै सम्मानित कीता गेदा ऐ। इनें दौनें जनें चा दऊं जनें राकेश कुमार ते शीतल देवी जम्मू कश्मीर दे बसनीक न।

<><><><><><>

CS VSK

मुख्य सचिव अटल डुल्लू होर टीचर्स भवन गांधी नगर जम्मू च स्थित विद्या समीक्षा केन्द्र दा दौरा कीता। अपने दोरे दरान मुख्य सचिव होरें केन्द्र दा जायजा लेंदे होई आखेआ जे एह संसीन, शिक्षा दे स्तर गी नमीं शिक्षा नीति दे तैहत् उबड़ा चुक्कने लेई इक अहम भूमका नभाग। तौले गै शुरू होआरदे विद्या समीक्षा केन्द्र दे राएं अकैडमिक नतीजें दा विश्लेषण कीता जाग ते कन्नै गै इस समें पर थोने आले डाटा दी मदद कन्नै जम्मू कश्मीर दे स्कूलें दे कम्मकाज च सुधार आहन्नेआ जाग। इस मौके मुख्य सचिव होरें आखेआ

<><><><><><>

Kathua Charkha

कठुआ जिले दे बरनोटी ब्लाक दे पलोट ग्रां च चरखा कत्तने सरबंधी केन्द्र ग्रामीण महिलाएं गी कम्म रोजगार दे मौके उपलब्ध करोआइयै उनेंगी सशक्त बना करदी ऐ। खादी इंडिया आस्सेआ चलाया जा करदा एह केन्द्र रिवायती कला ते संस्कृति गी बढ़ावा दिंदे होई इनें महिलाएं गी इस काबल बी बना करदा ऐ जे ओह अपने परोआरें दी मदद करी सकन। इस बारे आकाशवाणी समाचार कन्नै गल्ल करदे होई इक मकामी कारीगर नै आखेआ

<><><><><><>

Weather

मौसम विभाग नै ओंदी 20 ते 21 जनवरी गी प्रदेश दिएं टांमी टांमी थाहरें पर होली बरखा बरने जां बर्फबारी दे असार दस्से न। मौसम विभाग मूजब 22 ते 23 जनवरी गी जम्मू संभाग दे पदरें इलाकें च होली थमां दरम्याने दर्जे दी बरखा बरी सकदी ऐ ते केई उच्चे पहाड़ी इलाकें च बर्फबारी दी बह मेद ऐ। तोआई जम्मू श्रीनगर राश्ट्री जरनैली शिडकें एनएच-44 पर गडिडएं दी आओजाई दौनें बक्खी दा बवसी आले एंगै नै जारी ऐ। उआं लोकें गी एह सलाह दित्ती गई ऐ जे ओह अपनी अपनी लेन च पूरे अनुशासन कन्नै चलन ते दिनै दे बेल्ले गै सफर करन। तोआई राजौरी ते पुंछ जिलें गी कश्मीर घाटी दे शोपिया जिले कन्नै जोड़ने आली ऐतिहासक मुगल रोड केई थाहरें पर भारी बर्फ किट्ठी होने करी अजें बी गडिडएं दी आओजाई लेई बंद ऐ।

<><><><><><>